

SA BELLESA DE UNA NIVADA

Carchi fodza in carchi arbore c'ada
chi s'irde in grovu sognad'de mudare.

Sa meruledda no had chertu emigrare,
pro idere sa belleza de una nivada.

Ma, chin sa frocca ha fattu s'incrarada
astragu e bentu de non suportare,

gai a unu cheru domandadu l'ada,
in mesu e fodza de la riparare.

Su cheru a corfos de ramos l'ha leada;
da un'elichedda s'è intesa giamare:

"beni, a sas fodzas mias faghe s'intrada,
beni, chin su cantu tou a m'allirgare".

S'atondzu totu had bidu e a s'airada
da d'onnia cheru, dae tempus seculare

cand'issu crompede, si poned'a pudare
sas fodzas chin bentosas farrancadas,

e a sas elicheddas dae s'annada
mai la s'had chertas de su virde privare

pro chi devian che manta cayentare
sas meruleddas in sa temporada.

Abortas crara, l'intendo cantare,
cand'ido sa belleza de una nivada.

Peppino
PEPPINO MUREDDU
Fanni